





華東卷·第七輯

玖

中國地方藝文薈萃

《中國地方藝文薈萃》編委會 編

貴州师范学院内部使用

# 第九册目錄

象求集五卷二集三卷三集一卷(二)	一
皖江同聲集十卷	七七
吳會英才集二十四卷(一)	二四五

象求集五卷二集三卷三集一卷（二）

贵州师范学院内部使用

象求集五卷二集三卷三集一卷（二）

（清）劉寶楠輯

據清稿本影印

象求集卷三

邑人劉寶楠輯

○ 王斯恬字西儒號淡圃晚號晚齋詩存四卷詞一卷  
古芬涉筆十二卷

○ 梁溪汎舟

梁溪得澄霽晨興理雙楫空翠落篷底白晶晶雲天  
接遙指慧山巔秀削露秋骨翻憐秋意深歌枕看  
楓葉

○ 游慧山過聽松菴

異哉慧山巔澹若深淵靚霏微雲樹間晴氛冒秋  
影趺坐老樹根徙倚磨石筍何聲處發松籟更過

招提境山深不見人疎磬一聲冷

苦雨

天道不可知萬物恐有鞠靈雨竟如斯朝朝視雲  
族矧值甲子日諺語胡可讀諺云夏甲子雨乘船入市未卜船  
入市已愁天壓屋牀上被生黥牀下苔長綠蝦蟆  
叫不歇蝸角戰蠻觸砌旁密護花花花正馥郁乃遭  
風雨摧存者且傾覆草木尚如此人生豈草木

觀鬪促織

草根托軀命胡為升我堂奮臂肆爪牙同類乃摧  
戕戰勝輒自喜振羽聲何狂矜彼世途中戾狼多

豺狼如此小，虫沙蠢蠢安足量。况復不轉瞬，白露旋為霜。陰氣難久固，微軀隨糞壤。羣兒一何愚，尚欲論青黃。

興安道中看山

看山如麗人，螺髻得佳妙。有時淡冶姿，嫣然試微笑。我行耽山水，佳處一停櫂。茲山何岌岌，秀骨本天造。又若施鬼斧，玲瓏盡萬竅。相看無厭時，既去首復掉。翻疑空谷中，定有神女到。暮雨颯颯來，遽然樂夢覺。

宣成講院示諸生選二

汚彼靈渠水，汎衍趨萬壑。源遠流自長，混混不可  
涸。為文亦如此，心源須疏瀹。灌之以經史，波瀾乃  
紛泊。胡為效俗儒，佔佔章句學。

采采湘江蘭，佩以青絲條。相彼莠與稂，安得不鉏  
薅。燕朋易比昵，甘之如醇醪。畏友比藥石，鍼砭入  
膏肓。膏麗澤古所尚，慎毋遠賢豪。

水月洞納涼

一徑入雲峯，人跡亦已空。峩峩蒼玉崖，透漏鑿大  
窾。江流貫其中，泛艇任游衍。開襟納晚風，坐久衣  
帶緩。洞底玉輪墮，推波益涵演。水光與月光，凌亂

誰能辨

雪夜瓦店道中

同雲幕高空遠山忽焉沒石路馬凌兢西崦墮纖  
月荒荒豺狼嗥客心倍怛怛蒼皇過古寺禪燈半  
明滅數錢沽村醪飲罷顏不熱空廊難久留冷氣  
沁肌骨千金豪家兒粉黛屏風列笙簧炙欲融獸  
炭堆盈尺歡便夜漏長醉忘寒威冽作苦田間夫  
歲晚亦娛悅瓦盆鋪糟醕地爐煨楮支脚卧繩  
牀鼻息寒甯徹我皆非其人徒然事竭慶縮袖手  
指龜拂鬚冰塊結荏苒十年餘南北無定轍叱馭

向前途一笑輕霜雪

○ 題松石圖

閒雲裊天末松陰落空翠  
結交蒼髯翁入林堪把  
臂白石何齒齒兀坐殊容  
遂山靜萬籟寂心清百  
慮避微聞流泉聲悠然動  
詩思

椎冰行

聲冲冲氣凝疑有亭午  
催椎冰有官如縮蝟有隸  
如驅鷹捉人如驅羊畢來  
麾人肱一人噤痒手較  
疥擊撞無力涕垂膺自言  
不食已兩日涸鮒待活  
無斗升冰峩峩勢凌凌  
官長豈不愛我猛吏鞭笞

逞威稜吁嗟乎冰宜多飲不須椎歸來怵怛歌春  
陵

銅鼓行有引

是鼓于雍正八年漁人得之潯江銅鼓灘  
製如坐墩中空體直腰少束高一尺六寸  
面徑二尺六寸周三其徑四圍蟾蜍相向  
大小十二旁有兩耳如環徧體花紋縝密  
扣之其聲清越傳為伏波所遺今置院署  
堂側

潯江  
一夜灘聲吼冰夷震蕩天吳走  
鷺浪銜波銅

鼓躍舉來寶氣驚戶牖此鼓匿跡千餘年縞紋沉  
綠丹砂填河護定仗神靈力徧體贖涓蛟龍涎中  
空外直腰微束大小蟠蛇數各六扣之如不作金  
聲清籟由來出地軸憶昔伏波西南征貔貅十萬  
鳴神鉦八桂江間失此物波濤擊撞皆兵聲厥後  
諸蠻中禳禱高縣中庭誇法寶祭饗合樂聲謹謹  
金釵無數拜都元宋史蠻俗最尚銅鼓號有鼓者  
以金銀釵祇今邊徼安如磐得此益壯軍門觀愧  
無蟲文與鳥篆媿美石鼓勞雕刊

養素山莊

一灣流水處小築幕清陰儘有烟雲態而無波浪  
心臨水小齋顏曰烟波雲浪之舫雨濺游鱗亂風定落花深傍几  
臨書畫元章得賞音

○寄懷西華弟

苦憶白門客頻年掩薜蘿春從閒裏去夢是別來  
多豹尾傳新詠伯父近獻鴻賓戀舊柯先曾大父  
顏所居曰淮南芳草綠歸思定如何  
鴻柯草堂

罨畫溪泛舟

可是桃源路沿洄小艇通夕霏花港雨秋颭酒旗  
風得意水雲外置身圖畫中移家終有日斟酌澗

西東

邀笛步懷古

不是山陰客誰與識野王最憐三弄罷逸氣滿河

蕭涼

聞蟋蟀感賦

歲縱未云暮  
往事何日休  
三孫無限意  
芳草又經秋  
似共幽人語  
徒增旅客愁  
以妻頻寄訊  
為賦大刀頭

晚抵郟城

向夕郊城路碑殘字畫微  
邨牛將犢返山鳥背人  
飛草沒黃泥坂烟橫白板扉  
為尋傾蓋處仰止悵  
餘暉

建始驛

遙指盤陀路村荒草木秋  
土門欹壞道野碓搥奔  
流柳暗人休市燈昏客倚樓  
風塵飽經歷水驛與  
山郵

建始道中

絕磴凌空轉溟濛暮靄昏  
石蟠雙樹坼泉漱細沙  
渾屐響僧歸寺風腥虎過  
門客星山畔路千古暗